

Կազմված է « 30 » 06 2020թ.

Տպագրված է ընդամենը 2 օրինակ

Բաղկացած է 7 թերթից

ՕՐԻՆԱԿ 1

Հ Ա Ս Տ Ա Տ Վ Ա Ս Է

Գ Ր Ա Ն Ց Վ Ա Ս Է

ՀՀ ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ
ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐԻ
«30» հունիսի 2020թ. 47-Լ հրամանով

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԿՈՂՄԻՏ 24.01.2003թ.
Գրանցման համար՝ 273.210.03386
ՀՎՀՀ՝ 01545119

ՆԱԽԱՐԱՐ՝

24.01.2003թ. գրանցված

կանոնադրության թիվ _____

փոփոխությունը գրանցված է

Արդարադատության նախարարության

իրավաբանական անձանց պետական

ռեգիստրի կողմից « 13 » 07

2020թ.

Աշխատակից՝ _____



Ս. Պապիկյան



**«ՀԱՆՐԱՊԵՏԱԿԱՆ ԵՐԿՐԱԲԱՆԱԿԱՆ ՖՈՆԴ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ**

**ԿԱՆՈՆԱԴՐՈՒԹՅՈՒՆ
(ՆՈՐ ԽՄԲԱԳՐՈՒԹՅՈՒՆ)**

ԵՐԵՎԱՆ 2020

I. Ընդհանուր դրույթներ

1. «Հանրապետական երկրաբանական ֆոնդ» պետական ոչ առևտրային կազմակերպությունը (այսուհետ կազմակերպություն) շահույթ ստանալու նպատակ չհետապնդող, իրավաբանական անձի կարգավիճակ ունեցող ոչ առևտրային կազմակերպություն է, որը գործում է «Հայաստանի Հանրապետության քաղաքացիական օրենսգրքի», «Պետական ոչ առևտրային կազմակերպությունների մասին» ՀՀ օրենքի, «Ընդերքի մասին Հայաստանի Հանրապետության օրենսգրքի» և ՀՀ այլ օրենքների ու նորմատիվ իրավական ակտերի հիման վրա:
2. Կազմակերպությունն ստեղծվել է Հայաստանի Հանրապետության կառավարության 2002թ. հոկտեմբերի 31-ի «Հանրապետական երկրաբանական ֆոնդ» պետական ոչ առևտրային կազմակերպություն ստեղծելու մասին N 1758-Ն որոշմամբ, բնապահպանական գործունեություն ծավալելու նպատակով:
3. Կազմակերպության հիմնադիրը Հայաստանի Հանրապետությունն է ի դեմս Հայաստանի Հանրապետության կառավարության (այսուհետ հիմնադիր):
4. Կազմակերպությունը ստեղծված է համարվում օրենքով սահմանված կարգով պետական գրանցման պահից:
5. Կազմակերպությունն իր պարտավորությունների համար պատասխանատու է սեփականության իրավունքով իրեն պատկանող գույքով: Կազմակերպությունն իր անունից կարող է ձեռք բերել ու իրականացնել գույքային և անձնական ոչ գույքային իրավունքներ, կրել պարտավորություններ, դատարանում հանդես գալ որպես հայցվոր կամ պատասխանող: Կազմակերպությունը պատասխանատվություն չի կրում հիմնադրի պարտավորությունների համար:
6. Կազմակերպությունն իրականացնում է երկրաբանական ֆոնդում առկա ընդերքի մասին տեղեկության տրամադրման հետ կապված հետևյալ ծառայությունների մատուցում՝
 - ա) փաստաթղթերի պատճենահանում,
 - բ) համակարգչային սկանավորում,
 - գ) համակարգչային տպում,
 - դ) ընթերցասարահում ֆոնդային նյութերի տրամադրում,
 - ե) հանքավայրի (տեղամասի), հանքերևակման վերաբերյալ տրամադրվող տեղեկության ամփոփում,
 - զ) հանքավայրի (տեղամասի), հանքերևակման վերաբերյալ ամփոփ կամ մասնակի տեղեկատվության տրամադրում,

է) հանքավայրի (տեղամասի), հանքերևակման (մետաղային, ոչ մետաղային և ստորերկրյա ջրերի) պաշարների կամ կանխատեսումային ռեսուրսների առկայության և հանքային իրավունքով ծանրաբեռնվածության վերաբերյալ տեղեկատվության տրամադրում:

7. Կազմակերպությունն ունի ինքնուրույն հաշվեկշիռ, բանկային հաշիվներ:
8. Կազմակերպությունն ունի Հայաստանի Հանրապետության պետական գինանշանի պատկերով և կազմակերպության հայերեն, ռուսերեն և անգլերեն անվանմամբ կլոր կնիք, դրոշմակնիք, կարող է ունենալ ձևաթղթեր, խորհրդանիշ, ապրանքային և առևտրային այլ նշաններ:
9. Կազմակերպության անվանումն է հայերեն լրիվ՝ «Հանրապետական երկրաբանական ֆոնդ» պետական ոչ առևտրային կազմակերպություն հայերեն կրճատ՝ «ՀԵՖ» ՊՈԱԿ ռուսերեն լրիվ՝ «Республиканский геологический фонд» государственная некоммерческая организация ռուսերեն կրճատ՝ «РГФ» ГНКО անգլերեն լրիվ՝ «Republican Geological Fund» State Non-Commercial Organization անգլերեն կրճատ՝ «RGF» SNCO
10. Կազմակերպության գտնվելու վայրն է՝ Հայաստանի Հանրապետություն, ք. Երևան, Չարենցի 46:

II. Կազմակերպության գործունեության առարկան և նպատակները

Կազմակերպությունը Հայաստանի Հանրապետության օրենքներով և այլ իրավական ակտերով սահմանված կարգով իրականացնում է՝

11. Հայաստանի Հանրապետության տարածքում ընդերքի երկրաբանական ուսումնասիրության աշխատանքների և օգտակար հանածոների արդյունահանման նպատակով տրամադրված ընդերքի տեղամասերի պետական հաշվառման իրականացումը, ինչպես նաև ընդերքօգտագործման փաստաթղթերի և օգտակար հանածոների պաշարների շարժի վերաբերյալ տարեկան հաշվետվությունների ընդունումը և տնօրինումը:
12. Երկրաբանական ուսումնասիրության աշխատանքների իրականացման համար տրամադրված ընդերքի տեղամասերի հաշվառման մատյանի, օգտակար հանածոների պաշարների պետական հաշվեկշռի և հանքավայրերի ու օգտակար հանածոների երևակումների պետական կադաստրի վարումը, ինչպես նաև երկրաբանական ուսումնասիրության աշխատանքների արդյունքում ստացած տեղեկությունների ընդունումը և պահպանումը:
13. Երկրաբանական տեղեկության միասնական համակարգի ստեղծումը, վարումը և տնօրինումը, պահպանությունը և Հայաստանի Հանրապետության օրենքներով և այլ

իրավական ակտերով սահմանված կարգով երկրաբանական տեղեկության տրամադրումը:

14. Միասնական կոորդինատային համակարգով տրամադրված ընդերքի տեղամասերի ծայրակետային կոորդինատների համադրումը ֆոնդային նյութերի հետ, ֆոնդային նյութերում փոփոխությունների կատարումը և համապատասխան առաջարկությունների ներկայացումը Հայաստանի Հանրապետության տարածքային կառավարման և ենթակառուցվածքների նախարարություն:
15. Օգտակար հանածոների պաշարների, հանքավայրերի, երևակումների և երկրաբանական ուսումնասիրությունների պետական հաշվառման տվյալների հիման վրա ընդերքօգտագործման ֆոնդի ստեղծումը և վարումը:
16. Հանքավայրերն ըստ մարզերի, օգտակար հանածոների տեսակների (այդ թվում՝ ստորերկրյա հանքային ջրերի) դասակարգումը՝ մարզի ներուժի հետագա աճի կամ սահմանափակումների վերաբերյալ առաջարկությունների ներկայացմամբ՝ լիազոր մարմնի ղեկավարին:
17. Ընդերքօգտագործման իրավունքով ծանրաբեռնվածության վերաբերյալ վերլուծության իրականացումը՝ ըստ մարզերի, օգտակար հանածոների տեսակների (այդ թվում՝ ստորերկրյա հանքային ջրերի) և դրանց փոփոխությունն ըստ տարիների՝ լիազոր մարմնի ղեկավարին պաշարների հետագա օգտագործման տրամադրման վերաբերյալ առաջարկությունների ներկայացմամբ:
18. Օգտակար հանածոների պաշարների քանակական շարժի՝ ըստ մարզերի, տարիների, օգտակար հանածոների տեսակների վերլուծումը՝ նոր օգտակար հանածոների պաշարների ուսումնասիրման կամ արդեն իսկ հաստատված պաշարների շահագործման նպատակահարմարության վերաբերյալ լիազոր մարմնի ղեկավարին առաջարկությունների ներկայացմամբ՝ կապված օգտակար հանածոների պաշարների քանակական ծավալների փոփոխության հետ:

III. Կազմակերպության կառավարումն ու ղեկավարումը

19. Կազմակերպության կառավարումն իրականացնում են հիմնադիրը, նրա լիազորած պետական մարմինը, գործադիր մարմինը՝ տնօրենը:
20. Կազմակերպության հիմնադիրն ունի դրա գործունեությանը և կառավարմանը վերաբերող ցանկացած հարց վերջնական լուծելու իրավունք, բացառությամբ օրենքով նախատեսված դեպքերի:
21. Հիմնադրի բացառիկ լիազորությունները սահմանվում են «Պետական ոչ առևտրային կազմակերպությունների մասին» ՀՀ օրենքով:
22. Կազմակերպության կառավարումն իրականացնում է Հայաստանի Հանրապետության տարածքային կառավարման և ենթակառուցվածքների նախարարությունը (այսուհետ նախարարություն), որպես բնագավառի լիազորված պետական մարմին, Հայաստանի Հանրապետության օրենսդրությանը և սույն կանոնադրությանը համապատասխան:

23. Նախարարության լիազորություններն են.

- ա) կազմակերպության կանոնադրության հաստատումը և դրանում փոփոխությունների կատարումը,
- բ) սահմանված կարգով կազմակերպության մասնաճյուղեր կամ ներկայացուցչություններ ստեղծելը,
- գ) կազմակերպության կառավարման համակարգի սահմանումը,
- դ) կազմակերպությանը սեփականության իրավունքով հանձնվող կամ ամրացվող պետությանը պատկանող գույքի կազմի հաստատումը,
- ե) կազմակերպության կառավարման մարմինների ձևավորումը և նրանց լիազորությունների վաղաժամկետ դադարեցումը,
- զ) կազմակերպության աշխատանքային ծրագրերի հաստատումը և գործունեության վերահսկողությունը,
- է) կազմակերպության գործադիր մարմնի Հայաստանի Հանրապետության օրենսդրության պահանջներին հակասող հրամանների, հրահանգների, կարգադրությունների ու ցուցումների կասեցումը կամ դրանք ուժը կորցրած ճանաչելը,
- ը) կազմակերպության գործունեության մասին հաշվետվություններ լսելը և դրանց գործունեության վերստուգման արդյունքների քննարկումը,
- թ) կազմակերպությանն ամրացված պետական սեփականության օգտագործման և պահպանման նկատմամբ վերահսկողության իրականացումը,
- ժ) կազմակերպության տարեկան հաշվետվությունների, աշխատանքային ծրագրերի և տարեկան հաշվեկշռի հաստատումը,
- ժա) կազմակերպության աշխատակազմի հաստիքացուցակի հաստատումը,
- ժբ) կազմակերպության լուծարման հանձնաժողովի ստեղծումը և լուծարման հաշվեկշռի հաստատումը,
- ժգ) «Պետական ոչ առևտրային կազմակերպությունների մասին» Հայաստանի Հանրապետության օրենքով, հիմնադրի որոշումներով և կազմակերպության կանոնադրությամբ նախատեսված այլ գործառույթների իրականացումը:

24. Կազմակերպության ընթացիկ գործունեությունը ղեկավարում է տնօրենը, որին նշանակում և ազատում է Հայաստանի Հանրապետության տարածքային կառավարման և ենթակառուցվածքների նախարարը:

25. Կազմակերպության տնօրենի լիազորություններն են.

- ա) առանց լիազորագրի հանդես է գալիս կազմակերպության անունից, ներկայացնում է նրա շահերը և կնքում է գործարքներ,
- բ) ապահովում է կազմակերպության գործունեության վերաբերյալ աշխատանքային ծրագրերի և համապատասխան հաշվետվությունների կազմումը և սահմանված կարգով ներկայացումը պետական մարմիններին,
- գ) օրենսդրությամբ, հիմնադրի և լիազորված պետական մարմնի որոշումներով և կազմակերպության կանոնադրությամբ սահմանված կարգով տնօրինում է կազմակերպության գույքը, այդ թվում՝ ֆինանսական միջոցները,

- դ) տալիս է պետական կազմակերպության անունից հանդես գալու լիազորագրեր, այդ թվում վերալիազորման իրավունքով լիազորագրեր,
 - ե) աշխատանքի է նշանակում և աշխատանքնից ազատում կազմակերպության աշխատակիցներին, նրանց նկատմամբ կիրառում է խրախուսման միջոցներ և նշանակում կարգապահական տույժեր,
 - զ) բանկերում բացում է հաշվարկային հաշիվներ,
 - է) կատարում է աշխատանքի բաշխում իր տեղակալների միջև,
 - ը) կազմում է պաշտոնեական հրահանգներ և կատարում աշխատակիցների միջև ծառայողական պարտականությունների բաշխում,
 - թ) սահմանում է պետական կազմակերպության կառուցվածքն ու կառուցվածքային ստորաբաժանումների իրավասությունը,
 - ժ) պատասխանատվություն է կրում կազմակերպության առջև դրված խնդիրների ու գործառույթների կատարման համար,
 - ժա) օրենքով և կազմակերպության կանոնադրությամբ սահմանված իր լիազորությունների սահմաններով արձակում է հրամաններ, հրահանգներ, տալիս կատարման համար պարտադիր ցուցումներ և վերահսկում դրանց կատարումը,
 - ժբ) իրականացնում է օրենսդրությանը չհակասող և կազմակերպության կառավարման այլ մարմիններին չվերապահված այլ լիազորություններ:
26. Տնօրենի տեղակալը նշանակվում է նախարարի հրամանով տնօրենի ներկայացմամբ:
27. Կազմակերպության տնօրենի բացակայության դեպքում կազմակերպությունը ղեկավարում է տնօրենի տեղակալը:

IV. Կազմակերպությանն ամրացրած գույքը և ֆինանսական միջոցները

28. Կազմակերպությունն անժամկետ անհատույց օգտագործման իրավունքով օգտագործում է (տիրապետում) իրեն ամրացված գույքը:
29. Կազմակերպության ֆինանսական միջոցները գոյանում են Հայաստանի Հանրապետության պետական բյուջեից հատկացված տրանսֆերտներից և կազմակերպության կողմից իրականացվող միջոցառումների տարբեր ծառայությունների մատուցման դիմաց վճարումներից, հովանավորչական, նվիրատվական, ինչպես նաև Հայաստանի Հանրապետության օրենսդրությանը չհակասող այլ աղբյուրներից:
30. Կազմակերպության ձեռնարկատիրական գործունեության ընթացքում առաջացած շահույթն օգտագործվում է կանոնադրությամբ նախատեսված նպատակների համար՝ Հայաստանի Հանրապետության տարածքային կառավարման և ենթակառուցվածքների նախարարության սահմանված կարգով:

V. Կազմակերպության վերակազմակերպումը և լուծարումը

31. Կազմակերպությունը կարող է վերակազմակերպվել կամ լուծարվել հիմնադրի որոշմամբ և /կամ/ Հայաստանի Հանրապետության օրենսդրությամբ նախատեսված դեպքերում, սահմանված կարգով:
32. Կազմակերպության լուծարման դեպքում պարտատերերի պահանջները բավարարելուց հետո մնացած գույքն ուղղվում է Հայաստանի Հանրապետության պետական բյուջե:

